

摘藻堂四庫全書薈要

史部

欽定四庫全書薈要

史部

帝王經世圖譜卷八

九

詳校官員外郎臣潘紹觀



欽定四庫全書薈要卷一萬一百三

史部

帝王經世圖譜卷八

宋 唐仲友 撰

司馬九畿之圖

司徒建王國之圖

王畿提封之圖

武成分土之圖

司徒建邦國之圖



職方封國設法之圖

成王廣魯之圖

今定分土惟三之圖

五溝五涂異同之譜

九夫為井之圖

四丘為甸之圖

四縣為都之圖

周禮大司馬乃以九畿之籍施邦國之政職方千里曰國畿其外方五百里曰侯畿又其外方五百里曰甸畿又其外方五百里曰男畿又其外方五百里曰采畿又其外方五百里曰衛畿又其外方五百里曰蠻畿又其外方五百里曰夷畿又其外方五百里曰鎮畿又其外方五百里曰蕃畿 職方氏乃辨九服之邦國方千里曰王畿其外方五百里曰侯服又其外方五百里曰甸服又其外方五百里曰男服又其外方五百里曰采服

又其外方五百里曰衛服又其外方五百里曰蠻服又其外方五百里曰夷服又其外方五百里曰鎮服又其外方五百里曰藩服 大行人邦畿方千里其外方五百里謂之侯服歲壹見其貢祀物又其外方五百里謂之甸服二歲壹見其貢嬪物又其外方五百里謂之男服三歲壹見其貢器物又其外方五百里謂之采服四歲壹見其貢服物又其外方五百里謂之衛服五歲壹見其貢材物又其外方五百里謂之要服六歲壹見其

貢貨物九州之外謂之蕃國世壹見各以其所貴寶為
摯

尚書益稷弼成五服至于五千 禹貢五百里甸服百
里賦納總二百里納銍三百里納秸服四百里粟五百
里米五百里侯服百里采二百里男邦三百里諸侯五
百里綏服三百里揆文教二百里奮武衛五百里要服
三百里夷二百里蔡五百里荒服三百里蠻二百里流
東漸于海西被于流沙朔南暨聲教迄于四海 康誥

曰侯甸男邦采衛 周官曰六服羣辟罔不承德又曰
六年五服一朝

國語周語祭公謀父諫穆王曰先王之制邦內甸服邦
外侯服侯衛賓服蠻夷要服戎翟荒服甸服者祭侯服
者祀賓服者享要服者貢荒服者王日祭月祀時享歲
貢終王

堯命禹治水弼成五服自王畿而至荒服面各二千
五百里九州之境方五千里為方千里者二十五九

州之外東漸西被朔南暨聲教者不在五服之內則與九州之法實同無毫釐差矣學者惑于五百里之說謂周公斥大封域九州之界方七千里非也又謂夷鎮皆在九州之外亦非也或謂周之境廣於禹貢五百里雖稍異于鄭氏亦未盡知禹貢也若如二說則不惟不與禹貢合周官既言六服又言五服祭公謀父周人也不言五服何哉蓋九服五服一也自禹貢一而言之率五百里限周禮以二面言之率以二

百五十里為限則自鎮畿而內二畿而當一服與弼成五服至于五千無纖毫抵牾者周公祭公之說亦不待釋而明矣惟蕃畿在九州之外即所謂東漸西被朔南暨聲教者也周官以二百五十里率之亦非地域止于此也夷鎮尚在九州之內以其荒服使之終王各摯所寶同于蕃國行人之言與周官六服合矣不謂夷鎮即在九州之外也然則商制如何曰詩頌曰邦畿千里維民所止肇域彼四海自邦畿至四

海知其與禹貢周禮同制也又曰自彼氐羌莫敢不
來享莫敢不來王中舉來享外舉來王知其與祭公
之言合也况作康誥之初周禮未制已言侯甸男邦
采衛則周因商禮其可知矣然則王制言四海之內
九州州方千里四海之內斷長補短方三千里說者
謂商之制有諸乎曰王制漢文帝博士所作自春秋
而降四夷交侵中國之境土褊矣王制采六經而作
欲行諸當時此乃據所見境土言之豈商制哉方五

千里為方千里者二十五由堯迄周無異制也况禹
貢五服自侯服而外已有百里二百里三百里之別
與周九畿何異哉今具圖以見禹貢周禮祭公所言
皆同制并畿內郊甸稍縣都納總銓秸粟米之制具
著焉

周禮大司徒建王國制其畿方千里而封樹之

方千里則面五

百里凡造都鄙制其地域而封溝之以其室數制之

都鄙王子

第公鄉大夫之米地

載師掌任土之法以廛里任國中之地以

場圃任園地以宅田士田賈田任近郊之地以官田牛

田賞田牧田任遠郊之地以公邑之田任甸地以家邑

之田任稍地以小都之田任縣地以大都之田任疆地

太宰以九賦斂財賄一曰邦中之賦二曰四郊之賦

三曰邦甸之賦四曰家削之賦五曰邦縣之賦六曰邦

都之賦 鄉士掌國中 遂士掌四郊 縣士掌野

方士掌都家


王畿方千里面五百里王城之內謂之國中廛里任
焉六鄉之民所居也其賦曰邦中之賦五十里為近
郊鄉田之外場圃宅田士田賈田任焉百里為遠郊
鄉田之外官田牛田賞田牧田任焉其賦曰四郊之
賦其獄則鄉士治之二百里為甸六遂在焉餘為公
邑其賦曰邦甸之賦遂獄在四郊遂士治之鄉遂皆

出軍乘馬之法始于公邑以甸法在焉故曰邦甸公
邑之獄縣士治之三百里為稍家邑任焉大夫與王
子弟之尤疎者所食采地也其賦曰家稍之賦稍削
皆小之稱言采地之小者也四百里為縣小都任焉
卿與王子弟之疎者所食采地也其賦曰邦縣之賦
五百里為疆大都任焉公與王子弟之親者所食采
地也其賦曰邦都之賦都家之獄方士治之三等采
地之餘皆為公邑孟子言天子三公受地視侯卿受

地視伯大夫受地視子男此家削小都大都之等差也受地不得視司徒邦國之封疆視其百里七十里五十里之田而已都鄙制以室數而出賦以丘乘則采地之大者其民不過六萬夫其丘不過百乘較之外諸侯其勢相什自稍至都近者愈小遠者愈大防微杜漸之意深矣禹貢百里納總二百里納銍三百里納秸服四百里粟五百里米率以百里為差此王畿出賦輕重之法也郊有遠近以別任地之征都有

小大以明采地之等曰四郊以見四面相似曰家削以別公邑小都曰縣合縣而成都大都曰畺在國之境也自公邑至于大都通謂之都鄙兼君子野人所居而言之也

王畿提封之圖



周禮大司徒建王國制其畿方千里而封樹之 小司徒會萬民之卒伍而用之五人為伍五伍為兩四兩為卒五卒為旅五旅為師五師為軍以起軍旅以作田役以比追胥以令賦貢乃均土地以稽其人民而周知其數上地家七人可任也者家三人中地家六人可任也者二家五人下地家五人可任也者家二人凡起徒役毋過家一人乃經土地而井牧其田野九夫為井四井為邑四邑為丘四丘為甸 大司馬凡令賦以地與民

制之

法與小司徒同

班固漢志載司馬法曰地方一里為井井十為通通十為成成方十里成十為終終十為同同方百里同十為封封十為畿畿方千里

四井為邑四邑為丘丘十六井也有戎馬一匹牛三頭四丘為甸甸六十四井也有戎馬四匹兵車一乘牛十二頭甲士三人卒七十二人干戈備具

漢志乃通率千里之法爾若以周禮考之則王畿提

封百同內為鄉遂地占四同鄉田在四同之地餘地
為場圃宅田士田賈田官田牛田賞田牧田六遂但
占甸地二同計其出軍已為兵車千五百乘餘九十
四同通用丘甸之法出賦九千四百乘合鄉遂之軍
過萬乘之數幾千乘故知司馬法乃通率之數耳司
徒會卒伍率家一人經土地四丘一乘內外之法備
矣

司徒建邦國之圖

者	百	封	諸	食
三	里	疆	侯	百
之	其	方	之	三
一	食	四	地	十

兼附庸言之則有五等以
自有地言之三等而已與
分土惟三不相抵牾

者	百	封	諸	食
四	里	疆	子	五
之	其	方	之	十
一	食	二	地	里

此成國兼附庸之制

司馬法乃公田用助通率如此
但周制鄉遂用貢米地用助通
率計之四同有半之地已為成
國

疆	諸	一
方	公	百
者	公	里
五	之	其
半	地	食
里	封	

千乘之賦
地占四同
有為餘為
附庸之地

司馬法同
十為封
三百一十
六里提封
十萬井兵
車千乘

食	諸	方
百	伯	三
里	之	伯
	地	百
	封	里
	疆	

者	其	疆	諸	食
四	里	男	男	五
之	食	方	之	十
一	里	二	地	里

今定分土惟三之圖


公

新

圖

一同為三郊二同為三遂餘二同半出賦二百五十乘合千乘

公地四同為半為方二百一十里侯上同於公




伯新圖

圖


一同為方七十里者二為二郊
一為二遂餘一同出賦合六百乘

伯地二同為方百四十里
實二百四十步



男新圖

一為一軍
一為一邊
一為方五十里者四



餘為五十里者一定出賦五十乘合三百乘

子下同於男周禮于男獨見自有封疆可推而上

周禮大司徒凡建邦國以土圭土其地而制其域諸公之地封疆方五百里其食者半諸侯之地封疆方四百里其食者參之一諸伯之地封疆方三百里其食者參之一諸子之地封疆方二百里其食者四之一諸男之地封疆方百里其食者四之一職方氏凡邦國千里封公以方五百里則四公方四百里則六侯方三百里則十一伯方二百里則二十五子方百里則百男以周知天下

尚書武成列爵惟五分土惟三

孟子萬章北宮錡問周室班爵祿孟子曰公侯皆方百里伯七十里子男五十里不能五十里者不達於天子附於諸侯曰附庸

左傳子產曰天子之地一圻列國一同

學者見司徒建邦國封疆與武成分土之等孟子班祿之制不合因謂周禮非周公之制為周禮者又強為之說曰周九州之界方七千里周公變商湯之制

雖小國地皆方百里是皆未深考之耳費誓曰魯人三郊三遂左氏曰成國不過半天子之軍諸侯之大者三軍可也然則大國三軍出于三郊三遂副之周制然矣牧誓曰武王戎車三百兩虎賁三百人御事司馬司徒司空然則大國三軍三卿為之帥一軍之戎車百二十五乘商制然矣商周諸侯之軍制既同分土之制安得而異周之九服即禹之九服烏覩所謂七千里者周公相武王滅國者五十而所立七十

一國分土之制遽過于商大者二十四倍小者猶三
倍何所容之後儒不能通則曰是兼附庸誠是也抑
不思百里之地提封萬井三分去一為六萬夫之地
悉以家一人率之為兵六萬尚不足三郊三遂七萬
五千人之數為車六百乘亦不足千乘之數所謂園
廛宅田士田賈田官田賞田牛田牧田與卿大夫公
子弟之采邑于何容之家既役其一人百畝又征其
什一它無餘地車輦馬牛干戈之屬于何出之百畝

之分以中農計之足食七人什取其一則十夫而食
七人古庶人在官次等之祿也六萬夫之稅足當中
農夫六千人而已三鄉之吏九千四百六十八人于
何給之尚未言三遂之吏與其百官之衆府史胥徒
之祿宗廟朝廷之禮王國之朝貢四鄰之邦交于何
取用也百里之地不足為公侯之國明甚况七十里
止二萬九千四百夫之地五十里止一萬五千夫之
地其不能為諸侯之國抑又明矣然則子產孟子之

言非歟曰二子何可非也抑古人之為言省文而互見詳而考之未有不合者古之為國有軍有賦王六軍大國三軍次國二軍小國一軍此軍也出于國之郊者也天子萬乘諸侯千乘此賦也出于成國者也自軍言之則方百里而具三軍方七十里而具二軍方五十里而具一軍推而上之方二百里而具六軍自賦言之則方千里而具萬乘二百一十里而具千乘通軍與賦而言之則方千里者為兵車萬九百乘

推而下之方百里者為方五十里者四五十里具一
軍又五十里者為一遂合為兵車二百五十乘餘方
五十里者二定出賦五十乘軍賦合三百乘男之國
也由是推而上之七十里而具二軍又七十里而具
二遂畧當一同合為兵車五百乘加一同定出賦百
乘軍賦合六百乘伯之國也百里而具三軍又百里
而具三遂合為兵車七百五十乘加二同有半定出
賦二百五十乘軍賦合千乘公之國也伯二同則方

百四十一里公四同有半則方二百一十一里子下
同于男侯上同于公是謂分土惟三自是而外則附
庸也山川也土田也雖未必皆其所有皆在封疆之
內矣今夫顓臾昔者先王以為東蒙主且在邦域之
中矣此附庸在封疆之證也居常與許復周公之宇
此土田在封疆之證也奄有龜蒙遂荒大東奄有鳧
繹遂荒徐宅此山川在封疆之證也封疆之內附庸
山川土田皆在焉然皆非出軍制賦之壤故地方七

百里而止于革車千乘則舉封疆而言雖七百里猶可而况五百里四百里三百里二百里百里乎故于天子言千里者兼軍賦而言也于諸侯言百里七十里五十里者獨舉軍制而言也于天子言萬乘者以賦法通率也于諸侯言千乘者兼軍賦而言也于諸公言五百里諸侯言四百里伯言三百里子言二百里者包山川土田附庸于封疆也于諸男言百里者獨舉其出軍賦之封疆也凡此者皆省文而互見若

異而實相通何嘗纖毫牴牾哉且先王之于諸侯豈其封疆一定而遂無所勸懲哉公之地錫之山川土田附庸合五百里而止侯伯子亦然男之百里所自有有慶而益以地則豈以百里為拘哉存男之百里以見自有之封疆耳公侯伯子慶而益責而削皆在封疆之中矣此周公之定制而成王廣魯以七百里則廣周公云爾非周公之制所得而拘也于齊有賜履焉于衛有封畛土畧焉于韓侯有奄受北國焉山

川土田附庸或得其全或得其偏皆封疆之數也與
武成孟子之言蓋相表裏矣然則其食者半三之一

四之一諸儒之說孰是乎曰皆非也鄭司農謂所食
租稅之數男適五十里是大國貢輕而小國貢重也
鄭康成謂公以一易侯伯以再易子男以三易是大
國土沃而小國土瘠也九等自不易至再易而止未
有三易者豈諸侯之地皆無不易者哉康成之說既
不通司農之說又倒置輕大而重小是侮弱而畏強

也豈所謂裒多益寡稱物平施周道如砥其直如矢者哉子產曰先王班貢輕重以列列尊貢重周制也卑而貢重甸服也甸非侯甸之甸乃祭公所謂邦內甸服也畿外諸侯則列尊貢重矣公半侯伯三之一子男四之一不亦尊重而卑輕乎康成曰大國貢重正之也小國貢輕字之也其意是矣奈何以一易再易三易為說也授之沃壤而貢重予之瘠土而貢輕是乃適當然烏在其為正之字之哉當以王食其半

三之一四之一為正然王之食豈盡取其所稅哉諸侯以什一取民王又以什一取諸侯則四之一者是乃四十之一耳甸稍縣都皆無過十二于其什一之中概取其二焉此甸服之所以為列畀貢重歟職方氏七伯當為十一伯注說為是

五溝五涂異同之譜

溝	遂 廣二尺 深二尺	溝 廣四尺 深四尺	洫 廣八尺 深二尺	澮 廣二尋 深二仞	川
涂	徑 容牛車	畛 容大車	涂 容車一乘	道 容二軌	路 容三軌
遂人 治野之法 匠人	夫間 田首	十夫 鄰二 井間	百夫 鄰一 成間	千夫 鄰二 同間 各載其名	萬夫 縣四 兩山之間必 有川 大川之上必 有涂
稻人 掌稼 下地	潴 以蓄水	防 以止水	溝 以蕩水	遂 均以水	列 以含水
				澮 以瀉水	澮 以瀉水
					以涉揚其 芟作田

遂人計夫舉外 匠人計里舉內

鄭氏謂畿內用貢畿外用助非是

大田有助
萬高有貢

周禮大司徒凡造都鄙制其地域而封溝之以其室數
制之不易之地家百畝一易之地家二百畝再易之地
家三百畝乃分地職奠地守制地貢而頒職事焉以為
地灋而待政令 令五家為比使之相保五比為閭使
之相受四閭為族使之相葬五族為黨使之相救五黨
為州使之相賙五州為鄉使之相賓 小司徒乃會萬
民之卒伍而用之五人為伍五伍為兩四兩為卒五卒
為旅五旅為師五師為軍以起軍旅以作田役以比追

胥以令貢賦乃均土地以稽其人民而周知其數上地
家七人可任也者家三人中地家六人可任也者二家
五人卜地家五人可任也者家二人凡起徒役毋過家
一人以其餘為羨唯田與追胥竭作凡用衆庶則掌其
政教與其戒禁聽其辭訟施其賞罰誅其犯命者凡國
之大事致民大故致餘子乃經土地而井牧其田野九
夫為井四井為邑四邑為丘四丘為甸四甸為縣四縣
為都以任地事而令貢賦凡稅斂之事乃分地域而辨

其守施其職而平其政 族師五家為比十家為聯五人為伍十人為聯四閭為族八閭為聯使之相保相受刑罰慶賞相及相共以受邦職以役國事以相墓埋

載師掌任土之灋以物地事授地職而待其政令以廛里任國中之地以場圃任園地以宅田士田賈田任近郊之地以官田牛田賞田牧田任遠郊之地以公邑之田任甸地以家邑之田任稍地以小都之田任縣地以大都之田任疆地凡任地國宅無征園廛二十而一近

郊十一遠郊二十而三甸稍縣都皆無過十二唯其漆
林之征二十而五凡宅不毛者有里布凡田不耕者出
屋粟凡民無職事者出夫家之征 遂人掌邦之野以
土地之圖經田野造縣鄙形體之灋五家為鄰五鄰為
里四里為鄴五鄴為鄙五鄙為縣五縣為遂皆有地域
溝樹之使各掌其政令刑禁以歲時稽其人民而授之
田野簡其兵器教之稼穡凡治野以下劑致阡以田里
安阡以樂昏擾阡以土宜教阡稼穡以興耨利阡以時

器勸甿以彊予任甿以土均平政辨其野之土上地中
地下地以頒田里上地夫一廛田百畝萊五十畝餘夫
亦如之中地夫一廛田百畝萊百畝餘夫亦如之下地
夫一廛田百畝萊二百畝餘夫亦如之凡治野夫間有
遂遂上有徑十夫有溝溝上有畛百夫有洫洫上有涂
千夫有澮澮上有道萬夫有川川上有路以達於畿以
歲時登其夫家之衆寡及其六畜車輦辨其老幼廢疾
與其施舍者以頒職作事以令貢賦以令師田以起政

役 稻人掌稼下地 大司馬凡令賦以地與民制之
上地食者參之二其民可用者家三人中地食者半其
民可用者二家五人下地食者參之一其民可用者家
二人 匠人為溝洫耜廣五寸二耜為耦一耦之伐廣
尺深尺謂之畝田首倍之廣二尺深二尺謂之隧九夫
為井井間廣四尺深四尺謂之溝方十里為成成間廣
八尺深八尺謂之洫方百里為同同間廣二尋深二仞
謂之澮專達於川各載其名凡天下之地執兩山之間

必有川焉大川之上必有涂焉 凡溝必因水執防必
因地執善溝者水漱之善防者水淫之凡為防廣與崇
方其綢參分去一大防外綢凡溝防必一日先深之以
為式里為式然後可以傳衆力

尚書甘誓乃召六卿

毛詩采芑其車三千 公劉其軍三單 信南山維禹

甸之 中田有廬 甫田倬彼甫田歲取十千 大田

雨我公田遂及我私 文王有聲築城伊洺 崧高徹

申伯土田徹申伯土疆 韓奕維禹甸之實畝實藉
噫嘻駿發爾私終三十里亦服爾耕十千維耦 載芟
侯疆侯以

春秋成公元年三月作丘甲 襄公十一年正月作三
軍 五年正月舍中軍 哀公十二年春用田賦 宣
公十五年初稅畝 左傳襄公二十五年楚為掩為司
馬子木使庀賦數甲兵甲午為掩書土田度山林鳩數
澤辨京陵表淳鹵數疆潦規偃瀦町原防牧隰臯井衍

沃量入修賦賦車籍馬賦車兵徒卒甲楯之數既成以授子木禮也 昭公四年鄭子產作丘賦 哀公元年伍員曰少康有田一成有衆一旅

孟子滕文公上文公使畢戰問井地孟子曰請野九一而助中國什一使自賦鄉以下必有圭田圭田五十畝餘夫二十五畝死徙無出鄉鄉田同井出入相友守望相助疾病相扶持則百姓親睦方里而井井九百畝其中為公田八家皆私百畝同養公田公事畢然後敢治

私事所以別野人也此其大略也 告子下白圭曰吾欲二十而取一何如孟子曰子之道貉道也夫貉五穀不生惟黍生之無城郭宮室宗廟祭祀之禮無諸侯幣帛饗殮無百官有司故二十取一而足也

西漢刑法志殷周以兵定天下矣天下既定戢藏干戈教以文德而猶立司馬之官設六軍之衆因井田而制軍賦地方一里為井井十為通通十為成成方十里成十為終終十為同同方百里同十為封封十為畿畿方

千里有稅有賦稅以足食賦以足兵故四井為邑四邑
為丘丘十六井也有戎馬一匹牛三頭四丘為甸甸六
十四井也有戎馬四匹兵車一乘牛十二頭甲士三人
卒七十二人干戈備具是謂乘馬之法一同百里提封
萬井除山川沈斥城池邑居園囿術路三千六百井定
出賦六千四百井戎馬四百匹兵車百乘此鄉大夫采
地之大者也是謂百乘之家一封三百一十六里提封
十萬井定岳賦六萬四千井戎馬四千匹兵車千乘此

諸侯之大者也是謂千乘之國天子畿方千里提封百萬井定出賦六十四萬井戎馬四萬匹兵車萬乘故稱萬乘之主戎馬車徒干戈素具春振旅以蒐夏拔舍以苗秋治兵以獮冬大閱以狩皆於農隙以講事焉五國為屬屬有長十國為連連有帥三十國為卒卒有正二百一十國為州州有牧連帥比年簡軍卒正三年簡徒羣牧五載大簡車徒此先王為國立武足兵之大略也周禮小司徒鄭司農注 司馬法曰六尺為步步百為

畝畝百為夫夫三為屋屋三為井井十為通通為匹馬
三十家士一人徒二人通十為成成百井三百家革車
一乘士十人徒二十人十成為終終千井三千家革車
十乘士百人徒二百人十終為同同方百里萬井三萬
家革車百乘士千人徒二千人

井田之制周禮畧存其大經鄉遂都鄙為法殊途諸
侯之大小不同而內外輕重詳畧之法與王畿相似
漢儒不加剖析周公之制遂以不彰今別而言之井

田之綱舉矣王畿方千里面各五百里百里為郊二
百里為甸三百里為稍四百里為縣五百里為都六
鄉地居四同在郊六遂如鄉在甸郊之餘地以為場
圃宅田賈田士田官田牛田賞田牧田甸之餘地以
為公邑稍縣都以為采地鄉遂王所自治公邑之外
是為都鄙先王制法重內輕外歸之大同不憚小異
大司徒令五家為比五比為閭四閭為族五族為黨
五黨為州五州為鄉小司徒會萬民之卒伍而用之

五人為伍五伍為兩四兩為卒五卒為旅五旅為師
五師為軍上地家七人可任也者家三人中地家六
人可任也者二家五人下地家五人可任也者家二
人凡起徒役無過家一人然則鄉之授地均以百畝
其出兵均以一人其無公田不用丘乘取兵之法明
矣司稼巡野觀稼以年之上下出斂法是六鄉之田
用夏貢法孟子所謂什一使自賦也遂人治野五家
為鄰五鄰為里四里為鄩五鄩為鄙五鄙為縣五縣

為遂居民出賦大概同於六鄉所小異者授地有田
萊之差而任民均於下劑則家二人而已六鄉地狹
人衆故因其地而等其人六遂地廣人稀故輕其役
而均其地使地皆足以養人人皆足以給使則不同
之同也鄉遂乘法成於族鄰兵車一乘馬四匹甲士
三人卒七十二人革車一乘牛十二頭甲士一人卒
二十四人鄉遂各七萬五千人攻守自副為兵車革
車合三千乘故采芑言方叔率止其車三千此鄉遂

之兵制也大司徒凡造都鄙制其地域而封溝之以
其室數制之不易之地家百畝一易之地家二百畝
再易之地家三百畝小司徒乃經土地而井牧其田
野九夫為井四井為邑四邑為丘四丘為甸四甸為
縣四縣為都夫九夫為井則其中為公田八家皆私
百畝同養公田中田有廬八家各二畝半餘八十畝
八家共治之則私田百而公田十孟子所謂九一而
助其實皆什一也四丘為甸六十四井而乘馬之法

具即司馬法所謂甸有戎馬四匹兵車一乘牛十二頭甲士三人卒七十二人干戈備具者也一甸之賦百人攻守車各一乘司馬法不備言者欲明兵車之制故止以牛見守車也司馬法又言通十為成成百井三百家革車一乘士十人徒二十人若與丘乘蹕駁者地兼溝洫屋兼三夫車兼守車而以士十人互見攻車也一甸所出卒長御右兩司馬與守車之伍長合十人則有攻車可知攻守之車皆用革輓而攻


車建五兵故於丘甸言兵車於成言革車也古人簡
質互相發明類如此設或甸無革車不應言牛成無
兵車則士十人將安用哉大司徒造都鄙不易一易
再易之地畧與遂人上地中地下地相做而都鄙無
一廛者廛在田中則有室而已不易百畝而上地菜
五十畝若不同者周之制地征其實九等而互以三
等見之家百畝者田上上菜五十畝者田上下二百
畝者田下下自百畝至三百畝每二十五畝為差九

等通率相補皆再易之地也都鄙授田與六遂同出兵不當六遂五之一先王彊幹弱枝深意在此鄉遂出兵雖五倍丘乘而牛人掌共兵車之牛校人軍事物馬而頒之馬質戎馬有物賈受於有司者書馬車僕凡師充革車司戈盾授兵從司馬之法而頒之司常大閱贊司馬頒旗物則知鄉遂之馬牛車甲兵器旗物皆頒於公非若丘乘之具於民此先王之所以至公至均也故夏曰貢商曰助周曰徹者通貢助之

法而用之夏啓戰甘之野乃召六卿則卿治鄉足軍
自禹法如此非周公矧意鄉遂用貢具六軍都鄙用
助通王畿出賦萬乘周禮井田之大經不具昭乎費
誓曰魯人三郊三遂所謂成國半天子之軍而宣公
稅畝成公作丘甲則魯郊遂之外用助與商同丘乘
與周同孟子告滕文公請野九一國中什一亦欲復
周之徹耳言井田者通乎鄉遂都鄙貢助軍賦之異
制則舉而措之天下無難矣

四丘為甸之圖

十里為成附



周禮小司徒之職乃經土地而井牧其田野九夫為井
四井為邑四邑為丘四丘為甸四甸為縣四縣為都以
任地事而令貢賦凡稅斂之事乃分地域而辨其守施
其職而平其政

司馬法見鄭注漢志

先王之制力役內自六鄉外至都鄙其輕重多寡蚤
晚皆不同而歸於大均說者惑之而自為異說第未
深考之云耳鄉大夫言國中鄉也言野遂也因鄉而

及遂見鄉輕而遂重也小司徒以上地中地下地任
民鄉法也遂人以下劑致阡遂法也合而觀之見鄉
重而遂輕也都鄙用井田五百七十六家而出兵百
人則較鄉遂五倍其數若重矣然鄉遂賦出於公都
鄙賦出於民則實均耳先王之微意強幹而弱枝重
內而輕外鄉次兵衆而強遂欲足以為鄉之副都鄙
則助鄉遂而已休遂之美率減於鄉三之二都鄙之
兵不當遂五之一鄉晚役而蚤休遂早役而晚休則

鄉兵實強遂兵弱於鄉矣至於以豐年中年無年為
役之多寡有無以龍見日至為力役之始終貴賢能
服公事老疾之皆舍則無間乎鄉遂都鄙同乎一而
已當異而異當同而同終歸於大均此類族辨物所
以為同人衷多益寡所以為稱物平施容民蓄衆所
以為師也王制不從政之說漢儒約三代之制而參
取之又古文殘缺不得其真故有與周官牴牾者姑
存以見異同後儒旬用三日通計十三日之說非事

舉其中之意也

帝王經世圖譜卷八

欽定四庫全書薈要卷一萬一百四

史部

帝王經世圖譜卷九

宋 唐仲友 撰

千里為畿之圖

王畿任地之圖

九等通率之圖

一廛授地之圖

鄉遂都鄙授地任民出賦之譜

鄉遂都鄙出兵之譜

鄉遂居民設官之譜

保伍居民出軍之譜

井田出車之譜

周知民數之譜

力政異同之譜

九職十二職異同之譜

大宰九賦九職九式九貢斂財制周之譜

千里為畿之圖

同									
封				畿					
<p>漢志野三百一十六里封 十萬井中畿在國中并以 馬牛食食十乘此治侯 之大者十乘之西</p>				<p>漢志今畿方千里推封 百萬井中畿在國中并以 馬牛食食十乘此治侯 東之西而並井東其</p>					

王畿任地之圖

以大都之田任量地

以小都之田任縣地

以家邑之田任稍地

以公邑之田任甸地

以官田田實田牧田任遠郊之地

以家田士田實田任近郊之地

以墾園任園地

以屋里任園中之地

王畿

園宅無征

園屋三十而稅一

近郊十一

遠郊二十而三

甸十二

稍十二

縣十二

都十二

九等通率之圖

<p>上 各得二百晦</p>	<p>中 與中下通率 中 二百晦</p>	<p>上 與上下通率 上 二百五十晦</p>
<p>中 各得二百晦</p>	<p>中 與中上通率 中 二百二十五晦</p>	<p>中 與下中通率 中 二百二十五晦</p>
<p>下 與上下通率 下 二百五十晦</p>	<p>下 各得二百晦</p>	<p>下 與下上通率 下 一百五十晦</p>
<p>上 各得二百晦</p>	<p>上 與上上通率 上 三百晦</p>	<p>上 與上中通率 上 二百七十五晦</p>

周禮大司徒不易之地家百晦一易之地家二百晦再
易之地家三百晦遂人辨其野之土上地中地下地以
頒田里上地夫一廛田百晦萊五十晦中地夫一廛田
百晦萊百晦下地夫一廛田百晦萊二百晦

古之分田大約上中下三等禹貢所謂三壤是也于
三等之中又各析為三是為九等大司徒所謂五物
九等制天下之地征是也九等授田自百晦始等加
二十五畝至三百晦而五等正當二百晦是為中數

餘八等更相補故以一易之地二百晦為通率大司徒不易之地家百晦一易之地家二百晦再易之地家三百晦而遂人上地有萊五十晦非不同也司徒主以易不易言之故舉上上中中下下三等此不易一易再易之正也遂人主以上中下言之故舉上上中中下下三等舉其一可以見其二也古人文約義詳故于三等之中互見九等之法如此

一廛授地之圖

尚書四民

遂人頒田里
六鄉與遂同


遂公邑甸稍縣都之民亦
有邑居無征與國宅同
言宅無征則廛無征可
知蓋總謂之五畝之宅

上地 一夫 一廛

一廛 五畝
分為二處

中地 一夫 一廛

國 宅 無 征



邑在半畝二

都鄙以室數制
之則亦有邑居

仲春

厥民析

壯者出而就田老
弱在室餼餉耕者

四之日建卯之月

仲夏

厥民因

老弱因就壯
者皆在田廬

蠶事應在田廬求桑始於三
月至四月蠶老則老弱皆應

在廬言仲夏者舉中以見首
末非必仲夏而後因

廬

下地
廬一夫

在邑為廬合為五畝
井牧九夫八家取於
公田二十畝

中 田 牆 下 樹 有 桑 廬

微行牆下之徑



鄉遂之廬亦在田間
五家為比五比為閭

田 在 半 畝 二

仲秋

仲冬

在田與仲夏平

廩民夷

廩民隩

七月十月蟋蟀入我牀下穹
室熏鼠塞向墜戶嗟我婦子
曰為改歲入此室處所謂廩
民隩也十月納禾稼我稼既
居以避風寒
同工入執宮功晝爾于茅宵
爾索綯亟其桑屋其始播百
穀則於室處之時葺廬以為
廩民析之始也

周禮大司徒凡造都鄙制其地而封溝之以其室數制之 小司徒乃經土地而井牧其田野九夫為井 載師以廛里任國中之地國宅無征凡宅不毛者有里布 遂人治野以田里安甿辨其野之土上地中地下地 以頒田里上地夫一廛餘夫亦如之中地夫一廛餘夫 亦如之下地夫一廛餘夫亦如之

毛詩信南山中田有廬 七月四之日舉趾 入此室處 上入執宮功 遵彼微行

尚書仲春厥民析仲夏厥民因仲秋厥民夷仲冬厥民
隩

孟子孟子曰五畝之宅樹之以桑

先王居民因天時之宜取人事之便順陰陽以出入
故五畝之宅半在邑半在田雖鄉遂井牧之不同而
此制則一但古文質略互見於鄉言國宅無征以見
田廬于遂言頒田里夫一廬以見與鄉同制于造都
鄙言室數以見邑居有以知其無異制也農事方作

而陽氣未盛故厥民析陽氣已盛而農事急故厥民
因農事猶急而陰氣未盛故厥民夷農事畢而陰氣
盛故厥民隩天無失時人無廢事野無隋民民無災
疾財成輔相之宜未有先于此者也

鄉遂都鄙授地任民出賦之譜

九等小司徒

大司徒
令賦同

遂人

治野 家五人同
大廩同可任家二人同

大司徒

都鄙

上上肥磽通率可食七人

田百畷

不易家百畝

上上舉

上中上地食者參之二

正當
上下

田百畷

菜二十五畝

家百二十五畝

上下其民可任者家三人

田百畷

菜五十畝
舉上下

家百五十畝

中上肥磽通率可食六人

田百畷

菜七十五畝

家百七十五畝

中中中地食者半

正當
中中

田百畷

菜百畝
舉中中

一易家二百畝

中中舉

中下其民可任者二家五人

田百晦

萊百二十五畝

家二百二十五畝

下上肥磽通率可食五人

田百晦

萊百五十畝

家二百五十畝

下中下地食者三之一

正當下

田百晦

萊百七十五畝

家二百七十五畝

下下其民可任者家二人

田百晦

萊二百畝
舉下下

再易家三百畝

舉下下

鄉自三人以外則為餘夫

鄉欲民衆

遂自二人以外則為餘夫

野欲地闢

興耨新田

彊予餘夫

不及二人之家

別投下地
弛其征役

鄉遂無公田

都鄙有田

鄉遂都鄙出兵之譜

都鄙

鄉

遂

<p>九夫為井</p>	<p>四井為邑</p>	<p>四邑為丘 <small>百四十四家 出兵二十五人 五百七十六</small></p>	<p>四甸為縣</p>	<p>四縣為都</p>
<p>上地可任三鄉晚役早休 家</p>		<p>中地可任二家 <small>五人</small></p>		<p>下地可任二人</p>
<p>遂早役晚休 <small>下劑 通率家 二人</small></p>				
<p>馬 牛 車 甲 旗 鼓 兵 器 鄉遂 官給 <small>見周禮前說備矣</small> 馬 牛 車 甲 旗 鼓 兵 器 都鄙 自具 <small>見前譜司馬法</small></p>				

鄉遂居民設官之譜 制軍設官附

六鄉

鄉官

六遂

遂官

六軍

軍官

五家為比

比長下士

五家為鄰
鄰長

五人為伍

伍皆有長
以存六遂

不言下士

五比為閭

閭胥中士

五鄰為里
里宰下士

五伍為兩

兩司馬中士

四閭為族

族師上士

四里為鄴
鄴長中士

四兩為卒

卒長上士

五族為黨 黨正下大夫
五鄙為鄙 鄙師上士
五卒為旅 旅帥下大夫

五黨為州 州長中大夫
五鄙為縣 縣正下大夫
五旅為師 師帥中大夫

五州為鄉 鄉大夫卿
五縣為遂 遂人中大夫
五師為軍 軍將命卿

遂為六鄉之副 其遂官遞降一等

遂軍為鄉軍之副 其軍官亦然

保伍居民出軍之譜

鄉

五家相受相和親

五家為比

有罪責其相及相保

五比為閭

受相之使

四閭為族

葬相之使

使之相保相受刑罰慶賞相及相共

十家為聯

以受邦職以後國事以相整理

閭共祭器

族共喪器

八閭為聯

遂

掌相糾相受凡

五家為鄰

邑中之政相贊

五鄰為里

四里為鄴

四兩為卒

軍

鄉田同井出入相受守

九夫為井

望相助疾病相扶持

四井為邑

四邑為丘

四兩為卒

尚書大傳或云黃帝法

八家

井一為鄰

鄰三為朋

朋三為里

百四十四夫

五族為黨

使相之

黨共射器

五鄣為鄙

五卒為旅

四丘為甸

五百七十六矣

里五為邑

五黨為州

使相之

州共賓器

五鄙為縣

五旅為師

四甸為縣

都十為師

五州為鄉

使相之

鄉共吉凶
禮樂之器

五縣為遂

五師為軍

四縣為都

大傳州十有二師
師十為州

相保相受相和親相糾相贊刑罰賞慶相及相共相友相助

相扶持自五家九夫以上皆然相葬以上事別

上者兼下下者不得兼上

周禮大司徒之職令五家為比使之相保五比為閭使之相受四閭為族使之相葬五族為黨使之相救五黨為州使之相調五州為鄉使之相賓 小司徒之職乃會萬民之卒伍而用之五人為伍五伍為兩四兩為卒五卒為旅五旅為師五師為軍以起軍旅以作田役以比追胥以令貢賦乃經土地而井牧其田野九夫為井四井為邑四邑為丘四丘為甸四甸為縣四縣為都 鄉師之職正歲稽其鄉器比共吉凶二服閭共祭器族共

喪器黨共射器州共賓器鄉共吉凶禮樂之器 族師

五家為比十家為聯五人為伍十人為聯四閭為族八
閭為聯使之相保相受刑罰慶賞相及相共以受邦職
以役國事以相葬埋 比長各掌其比之治五家相受
相和親有臯竒衰則相及 遂人五家為鄰五鄰為里
四里為鄣五鄣為鄙五鄙為縣五縣為遂 鄰長掌相
糾相受凡邑中之政相贊 士師之職掌鄉合州黨族
閭比之聯與其民人之什伍使之相安相受以比追胥

之事以施刑罰慶賞

孟子鄉田同井出入相友守望相助疾病相扶持則百姓親睦

尚書大傳洛誥古者處師八家而為鄰三鄰而為朋三朋而為里五里而為邑十邑而為都十都而為州州十有二師焉家不盈三口者不朋由命士以上不朋

古之為保伍將以安民後之為保伍將以厲民書曰王啟監厥亂為民曰無胥戕無胥虐至于敬寡至于

屬婦合由以容言上下共由此道以相容也故自五
家為比至于萬二千五百家之鄉使之更相親愛同
其憂樂然後軍旅田役貢賦追胥從而出焉其本在
大司徒而小司徒其末也後世授田法廢民失其養
凡大司徒所謂相保相受相葬相救相賙相賔者皆
無有矣獨軍旅力役貢賦追胥之事與有罪竒衰則
相及者獨存耳故民不獨疾視其上而保伍之害更
相傾軋爭鬪之獄日煩為上者不自反其法之不善

又從而刑之是罔民也其失先王之意遠矣故譜先
王之法以見其良法美意

井田出車之譜

小司徒

漢志司馬法

鄭注司馬法

井

九夫

屋三為井
夫三為屋

邑

四井

丘

四邑

有戎馬一匹
牛三頭

甸

四丘

旁加一里為成

通十為成百井三百家

有戎馬四匹兵車一
乘牛十二頭甲士三
人卒七十二人

革車一乘士十
人徒二十人

縣

四甸

方百里為同旁加二十里 同方百里萬井三萬家

都

四縣

戎馬四百匹
兵車百乘

革車百乘士千
人徒二千人

井牧法

出守車

見兵
車法

周知民數之譜

總掌

九職任萬民
九兩繫邦國之民

冢宰

司會貳民數
日成月要歲會以
周知四國之治
以天下土地之圖雖其
邦國都鄙之數

司徒

縣師掌邦國都鄙
稍甸師里之地域

特賧世莫繫系
小史莫繫系世

宗伯

內史貳民數
天府貳民數

分掌

王畿

太宰九職任萬民
小宰八成貳民數

司會貳民數

司書邦中之版

大司徒掌建邦之

土地之圖與其

民之數

小司徒稽國中及

四郊都鄙之夫家

九比之數

廩人掌九穀之數

萬民之食

分掌

鄉遂

閭胥

掌二十五家

里宰

族師

掌百家

鄒長

分掌

士臣

司士掌宰臣之版

時

時

五月

官

國語

事

國語

司民協孤終

治農于籍

司商協民姓

撥于農隙

司徒協旅

耨于籍

司冠協女

苗與撥同

九法簡稽細民

司馬

職方氏掌天下之圖辨其邦國都鄙之遠近道里之廣狹之人民與其財用九數六畜之數

小司寇獻民數

司寇

司民宜萬民之數

工協革百工本屬司空今亡不可考

司空

度地居民

天府

藏民數穀數

司馬

振旅發舍治兵大閱

司民登民數

司寇獻民數

鄉士各掌其鄉

遂士各掌其遂

縣士各掌其縣

黨正

掌五百家

鄙師

州長

掌二千五百家

縣師

鄉師 鄉大夫 鄉士

掌萬二千

五百家

遂人 遂大夫 遂師 遂士

大胥

掌登士之版

司民宜萬民之數

歲

終歲

三年比大

牧協職

獲于籍

工協革

獮于既烝

場協入

狩于畢時

廩協出

周禮大宰以九職任萬民一曰三農生九穀二曰園圃
毓草木三曰虞衡作山澤之材四曰藪牧養蕃鳥獸五
曰百工飭化八材六曰商賈阜通貨賄七曰嬪婦化治
絲枲八曰臣妾聚斂䟽材九曰閒民無常職轉移執事
以九兩繫邦國之民一曰牧以地得民二曰長以貴
得民三曰師以賢得民四曰儒以道得民五曰宗以族
得民六曰主以利得民七曰吏以治得民八曰友以任
得民九曰藪以富得民 小宰以官府之八成經邦治

一曰聽政役以比居二曰聽師田以簡稽三曰聽閭里

以版圖 司書掌邦中之版土地之圖三歲則大計羣

吏之治以知田野夫家六畜之數 大司徒之職掌建

邦之土地之圖與其人民之數以佐王安擾邦國 小

司徒之職掌建邦之教法以稽國中及四郊都鄙之夫

家九比之數以辨其貴賤老幼廢疾凡征役之施舍與

其祭祀飲食喪紀之禁令乃頒比法於六鄉之大夫使

各登其鄉之衆寡六畜車輦辨其物以歲時入其數以

施政教行徵令及三年則大比大比則受邦國之比要
乃會萬民之卒伍而用之五人為伍五伍為兩四兩為
卒五卒為旅五旅為師五師為軍以起軍旅以作田役
以比追胥以令貢賦乃均土地以稽其人民而周知其
數上地家七人可任也者家三人中地家六人可任也
者二家五人下地家五人可任也者家二人凡起徒役
毋過家一人以其餘為羨唯田與追胥竭作凡用衆庶
則掌其政教與其戒禁聽其辭訟施其賞罰誅其犯命

者凡國之大事致民大故致餘子 凡民訟以地比正

之地訟以圖正之及大比六鄉四郊之吏考夫屋及其

衆寡六畜兵器以待政令 鄉師之職各掌其所治鄉

之教而聽其治以國比之灋以時稽其夫家衆寡辨其

老幼貴賤廢疾馬牛之物辨其可任者與其施舍者

鄉大夫之職以歲時登其夫家之衆寡辨其可任者國

中自七尺以及六十野自六尺以及六十有五皆征之

其舍者國中貴者賢者能者服公事者老者疾者皆舍

以歲時入其書 州長三年大比則大攷州里以贊鄉

大夫廢興 黨正以歲時涖校比及大比亦如之 族

師以邦比之灋帥四閭之吏以時屬民而校登其族之

夫家衆寡辨其貴賤老幼廢疾可任者及其六畜車輦

閭胥各掌其閭之徵令以歲時各數其閭之衆寡辨

其施舍 縣師掌邦國都鄙稍甸郊里之地域而辨其

夫家人民田萊之數及其六畜車輦之稽三年大比則

以攷羣吏而以詔廢置 遂人以歲時稽其人民而授

之田野簡其兵器教之稼穡凡治野以下劑致阯以田
里安阯以樂昏擾阯以土宜教阯稼穡以興勸利阯以
時器勸阯以彊予任阯以土均平政辨其野之土上地
中地下地以頒田里上地夫一廛田百畝萊百畝餘
夫亦如之中地夫一廛田百畝萊百畝餘夫亦如之下
地夫一廛田百畝萊二百畝餘夫亦如之凡治野夫間
有遂遂上有徑十夫有溝溝上有畛百夫有洫洫上有
涂十夫有澮澮上有道萬夫有川川上有路以達于畿

以歲時登其夫家之衆寡及其六畜車輦辨其老幼廢疾與其施舍者以頒職作事以令貢賦以令師田以起政役 遂師各掌其遂之政令戒禁以時登其夫家之衆寡六畜車輦辨其施舍與其可任者經牧其田野辨其可食者周知其數而任之以徵財征作役事則聽其治訟巡其稼穡而移用其民以救其時事 遂大夫各掌其遂之政令以歲時稽其夫家之衆寡六畜田野辨其可任者與其可施舍者以教稼穡以稽功事 縣正

各掌其縣之政令徵比 鄙師以時數其衆庶 鄴長

以時校登其夫家比其衆寡 里宰掌比其邑之衆寡

與其六畜兵器 廩人掌九穀之數凡萬民之食食者

人四鬴上也人三鬴中也人二鬴下也 天府掌祖廟

之守藏若祭天之司民司祿而獻民數穀數則受而藏

之 大胥掌學士之版 瞽矇世奠繫 小史掌邦國

之志奠繫世辨昭穆 大司馬掌建邦國之九法簡稽

鄉民以用邦國凡令賦以地與民制之 司士掌羣臣

之版以治其政令歲登下其損益之數辨其年歲與其
貴賤周知邦國都家縣鄙之數卿大夫士庶子之數

職方氏掌天下之圖以掌天下之地辨其邦國都鄙四
夷八蠻七閩九貉五戎六狄之人民與其財用九穀六
畜之數要周知其利害 小司寇及大比登民數自生齒

以上登于天府內史司會冢宰貳之以制國用孟冬祀
司民獻民數于王王拜受之以圖國用而進退之歲終
則令羣士計獄弊訟登中于天府 鄉士掌國中各掌

其鄉之民數而糾戒之 遂士掌四郊各掌其遂之民

數而糾其戒令 縣士掌野各掌其縣之民數 司民

掌登萬民之數自生齒以上皆書于版辨其國中與其
都鄙及其郊野異其男女歲登下其死生及三年大比
以萬民之數詔司寇司寇及孟冬祀司民之日獻其數
于王王拜受之登于天府內史司會冢宰貳之以贊王
治 尚書周官司空掌邦土居四民
禮記王制司空執度度地居民

國語宣王料民于太原仲山甫諫曰民不可料也夫古者不料民而知其少多司民協孤終司商協名姓司徒協旅司寇協姦牧協職工協革場協入廩協出是則少多死生出入往來皆可知也于是又審之以事王治農于籍按于農隙耨獲亦于籍獮于既烝狩于畢時是皆習民數者也又何料焉不謂其少而大料之是示少而惡事也臨政示少諸侯避之治民惡事無以賦令且無故而料民夫之所惡也害于政而妨于後嗣王卒料之

夫乾天下之至健也德行常易以知險夫坤天下之至順也德行常簡以知阻坎之象曰水洊至習坎君子以常德行習教事天下若是其廣人民若是其衆少多出入死生往來日異而月不同何啻于水之習坎險阻而難知而先王必有以周知之蓋不獨周知其地而又周知其人不獨知其人而畜財器械亦不
得而隱至公至均之法由此可得而施果何道以知之皆得乎乾坤與坎之時義而已王至尊也耕耨獲

搜獮狩之必親百官皆振其職自日成至歲會無敢
墮乾之至健也歲月日時無易自鄉遂達于四夷秩
然有序六官之屬各舉其職坤之至順也故若甚難
而未嘗不易若甚繁而未嘗不簡彼若甚險阻而吾
有以知之由日至歲由王而至于場廩百工無一日
之怠所謂常德行以習教事者也不如是而欲知民
數則宣王之料民是已古者不料民而知其多少所
謂易以知險簡以知阻也料民而適以示少惡事則

易者難簡者繁矣不藉千畝一不習于常以失乾之
健其弊至此周公之法可輕議乎故譜其職掌時事
之次如右

力政異同之譜

司徒司馬
送人

司徒

司徒鄉大夫
送人

均人

左傳

鄉大夫

王制

王制

食者三之二
家七人

大事軍旅
征役

鄉以三等任民
三人外乃為餘
夫送以下剩致
此外即為餘夫

豐年

龍見而
畢務

貴者舍

九十者其
家不從政

五十
不從
力政

上地

大事致民

起徒役家人

火見而
致用

作均一歲賢者舍

八十者一
子不從政

六十
不與
股戎

可任者
家三人

國中自七尺
以及六十
野自六尺以
及六十有五
耨晚役而早
休遂早役而
晚休

中年

王制用民之
力歲不過三
日

能者舍

廢疾非人
不養者一
人不從政

食者半
家六人

大故喪禮
冠戎之事

中地

大故致餘子

可任者二
家五人

鄭康成以餘
子為諸子不然

食者三之一
家五人

七月二之日其
同載纘武功
郊特牲唯為社
田國人畢作

下地

唯田與追齊禘

可任者
家二人

田與民同其
樂追齊與民
同其患

鄉以中地為率
正卒二而羨
卒三

以其餘為羨

遂以下劑致
正卒羨卒
各一

無年

旬 用 日 一

水昏正
而裁

凶札力

征

日至而畢

周十月

夏十月
周正月

夏十一月

近世儒者
謂自十月
節至十一
月中四旬
有半

豐年十三日
中年九日
無年四日

服公事
者舍

父母喪三
年不從政

老者舍

自諸侯來後
期不從政

疾者舍

齊喪大功喪
三月不從政
將徙於諸侯
三月不從政

七十

不與
賓客

八十

齊喪
弗及

周禮小司徒之職掌建邦之教灋以稽國中及四郊都鄙之夫家九比之數以辨其貴賤老幼廢疾凡征役之施舍與其祭祀飲食喪紀之禁令 乃會萬民之卒伍而用之五人為伍五伍為兩四兩為卒五卒為旅五旅為師五師為軍以起軍旅以作田役以比追胥以令貢賦乃均土地以稽其人民而周知其數上地家七人可任也者家三人中地家六人可任也者二家五人下地家五人可任也者家二人凡起徒役毋過家一人以其

餘為羨唯田與追胥竭作凡用衆庶則掌其政教與其
戒禁聽其辭訟施其賞罰誅其犯命者凡國之大事致
民大故致餘子 鄉師之職以國比之灋以時稽其夫
家衆寡辨其貴賤老幼廢疾馬牛之物辨其可任者與
其施舍者掌其戒令糾禁聽其獄訟 鄉大夫之職以
歲時登其夫家之衆寡辨其可任者國中自七尺以及
六十野自六尺以及六十有五皆征之其舍者國中貴
者賢者能者服公事者老者疾者皆舍以歲時入其書

均人掌均地政均地守均地職均人民牛馬車輦之力政凡均力政以歲上下豐年則公旬用三日焉中年則公旬用二日焉無年則公旬用一日焉凶札則無力政無財賦不收地守地職不均地政三年大比則大均遂人以下劑致眚以歲時登其夫家之衆寡及其六畜車輦辨其老幼廢疾與其施舍者以頒職作事以令貢賦以令師田以起政役旅師凡新眚之治皆聽之使無征役以地之媿惡為之等稍人若有會同師田

行役之事則以縣師之法作其同徒輦輦帥而以至治
其政令

禮記王制五十不從力政六十不與服戎七十不與賓
客之事八十齊喪之事弗及也八十者一子不從政九
十者其家不從政廢疾非人不養者一人不從政父母
之喪三年不從政齊衰大功之喪三月不從政將徙于
諸侯三月不從政自諸侯來徙家期不從政

九職十二職異同之譜

太宰九職 任萬民

大司徒十二職事 登萬民

問師 任民

鄭司農云黍稷秬稻麻大小豆大小麥

一曰三農生九穀

鄭康成無秣大麥而有梁苽

一曰稼穡

鄭司農以平地山澤為三農
鄭康成以平地原隰為三農
當從康成

農貢九穀

二曰園圃毓草木

二曰樹藝

圃貢草木

三曰虞衡作山澤之材

三曰作材

虞衡貢其物

四曰藪牧養蕃鳥獸

四曰阜蕃

牧貢鳥獸

五曰百工飭化八材

珠象玉石
木金革羽

五曰飭材

工貢器物

六曰商賈阜通貨賄

六曰通財

商貢貨賄

七曰嬪婦化治絲枲

七曰化材

嬪貢布帛

八曰臣妾聚斂疏材

八曰斂材

司徒作斂材即疏材也疏材即七月采荼薪樗之屬食農夫而已非所以供上

九曰間民無常職轉移執事

九曰生材

即間民

無職出夫布

十曰學藝士

十有一曰世事

巫醫卜祝之類

十有二曰服事

府史胥徒之屬

周禮大宰以九職任萬民一曰三農生九穀二曰園圃
毓草木三曰虞衡作山澤之材四曰數牧養蕃鳥獸五
曰百工飭化八材六曰商賈阜通貨賄七曰嬪婦化治
絲枲八曰臣妾聚斂疏材九曰閒民無常職轉移執事
太府掌九貢九賦九功之貳 內府掌受九貢九賦
九功之貨賄 司會以九功之法令民職之財用 大
司徒頒職事十有二于邦國都鄙使以登萬民一曰稼
稽二曰樹藝三曰作材四曰阜蕃五曰飭材六曰通財

七曰化材八曰斂材九曰生材十曰學藝十有一曰世事十有二曰服事 問師凡任民任農以耕事貢九穀任圃以樹事貢草木任工以飭材事貢器物任商以市事貢貨賄任牧以畜事貢鳥獸任嬪以女事貢布帛任衡以山事貢其物任虞以澤事貢其物凡無職者出夫布

大宰主于任民以出財用故以九職司徒主于登萬民以成事業故頒職事十有二自學藝而下皆食于

上者無與乎出財用故大宰之九職所不及也學藝
賢能也世事服事習為庶人之在官者也雖貴賤不
同皆治人者也閭師治民于臣妾有所不及者疏材
非所以供上閭師主于致貢者也方其任之謂之九
職職之成事謂之九功必有功然後有財用大府內
府司會變文之義如此

欽定四庫全書

卷九

太宰九賦九職九式九貢斂材制用之譜

大宰

九賦
斂財
賄

載師

地任

大府

頒財
式法

大宰

九式
均節
時用

大宰九職

閭師

民任

大宰

九貢
秋邦國
之用

大行人

邦中

國宅無征
廛二十而一

以待賓客

二曰賓客

三農生
九穀

貢九穀

一曰祀貢

菁茅
之類
侯服

物祀貢

四郊

園二十而一
近郊十一
遠郊二十而三

以待稍秣
七曰芻秣

園圃毓
草木

貢草木

二曰嬪貢

絲象織
纊之類
甸服

服嬪貢

邦甸

十二

以待工事
五曰工事

虞衡作山
澤之材

貢其物

三曰器貢

磬錯
之類
男服

物器貢

家削

十二

以待匪頒
八曰匪頒

藪牧養
蕃鳥獸

貢鳥獸

四曰幣貢

織皮玄
纊之類

邦縣

十二

以待幣帛

六曰幣帛

百工飭
化八材

貢器物

五日材貢
柝輪栝
柏之類

衛服

貢材物

邦都

十二

以待祭祀

一曰祭祀

商賈阜
通貨賄

貢貨賄

六曰貨貢
金玉龜
貝之類

要服

貢貨物

闕市

以待王
之膳服

四曰羞服

嬪婦化
治絲枲

貢布帛

七日服貢
絺紵
之類

采服

貢服物

山澤

漆林之征
二十而五

以待喪紀

三曰喪荒

臣妾聚
斂疏林

貢珠璣琅

八曰旂貢
玕之類

蕃國

各以
所貴
為幣

幣餘

以待賜予

九曰好用

閭民無常職
轉移執事

出夫布

九曰物貢
魚鹽
之類

蕃國

各以
所貴
為幣

周禮大宰以九職任萬民一曰三農生九穀二曰園圃
毓草木三曰虞衡作山澤之材四曰數牧養蕃鳥獸五
曰百工飭化八材六曰商賈阜通貨賄七曰嬪婦化治
絲枲八曰臣妾斂聚疏材九曰閭民無常職轉移執事
以九賦斂財賄一曰邦中之賦二曰四郊之賦三曰
邦甸之賦四曰家削之賦五曰邦縣之賦六曰邦都之
賦七曰闕市之賦八曰山澤之賦九曰幣餘之賦以
九式均節財用一曰祭祀之式二曰賓客之式三曰喪

荒之式四曰羞服之式五曰工事之式六曰幣帛之式
七曰芻秣之式八曰匪頒之式九曰好用之式 以九
貢致邦國之用一曰祀貢二曰嬪貢三曰器貢四曰幣
貢五曰材貢六曰貨貢七曰服貢八曰旂貢九曰物貢
小宰執邦之九貢九賦九式之貳以均財節邦用

大府掌九貢九賦九功之貳以受其貨賄之入頒其貨
于受藏之府頒其賄于受用之府凡官府都鄙之吏及
執事者受財用焉凡頒財以式法授之關市之賦以待

王之膳服邦中之賦以待賓客四郊之賦以待稍秣家
削之賦以待匪頒邦甸之賦以待工事邦縣之賦以待
幣帛邦都之賦以待祭祀山澤之賦以待喪紀幣餘之
賦以待賜予凡邦國之貢以待帛用凡萬民之貢以充
府庫凡式貢之餘財以共玩好之用 內府掌受九貢
九賦九功之貨賄良兵良器以待邦之大用 司會以
九貢之法致邦國之財用以九賦之法令田野之財用
以九功之法令民職之財用以九式之法均節邦之財

用 司書掌九職九正九事 載師掌任土之法以物

地事授地職而待其政令以廛里任國中之地以場圃
任園地以宅田士田賈田任近郊之地以官田牧田賞
田牛田任遠郊之地以公邑之田任甸地以家邑之田
任稍地以小都之田任縣地以大都之田任疆地凡任
地國宅無征園廛二十而一近郊十一遠郊二十而三
甸稍縣都皆無過十二唯其漆林之征二十而五凡宅
不毛者有里布凡田不耕者出屋粟凡民無職事者出

夫家之征以時徵其賦 閭師掌國中及四郊之人民

六畜之數以任其力以待其政令以時徵其賦凡任民
任農以耕事貢九穀任圃以樹事貢草木任工以飭材
事貢器物任商以市事貢貨賄任牧以畜事貢鳥獸任
嬪以女事貢布帛任衡以山事貢其物任虞以澤事貢
其物凡無職者出夫布凡庶民不畜者祭無牲不耕者
祭無盛不樹者無椁不蠶者不帛不績者不衰 縣師
以歲時徵野之賦貢 大行人邦畿方千里其外方五

百里謂之侯服歲壹見其貢祀物又其外方五百里謂之甸服二歲壹見其貢嬪物又其外方五百里謂之男服三歲壹見其貢器物又其外方五百里謂之采服四歲壹見其貢服物又其外方五百里謂之衛服五歲壹見其貢材物又其外方五百里謂之要服六歲壹見其貢貨物九州之外謂之蕃國世壹見各以其所貴寶為摯

先王之理財生之有道取之有義節之有禮其事總

之大宰故先之九職任萬民所以生財也次以九賦
斂財賄所以取財也又次以九式均節財用所以節
財也三者備矣然後以九貢致邦國之用蓋王畿之
內經用取具焉而後致九貢以為之助而已先儒謂
萬民有九職之貢又有九賦以口率出泉非也先王
之取民不過什一既貢又賦不幾二乎況古之為賦
各供其有泉非民所有者惟市與間民則輸之豈以
口率若後世之法哉蓋先儒見大府既言九賦又言


萬民諸侯之貢遂以九職九賦九貢裂而為三九職
既貢其物不得以九賦為出泉又見司會言致邦
國之財用令田野之財用令民職之財用亦析以為
三益信其說蓋曾未深考之耳大府言九賦以頒財
言之言萬民之貢以充府庫以受財言之既使之貢
又賦之也閭師任民止于國中四郊而甸稍縣都不
與焉縣師徵野之賦貢而四郊國中不與焉載師任
地又有在鄉遂井牧之外者故司會互見以相備于

九功曰民職於九賦曰田野云耳闕市山澤邦中之
賦皆在九賦豈田野所該而甸稍縣都豈無民職之
財用九賦出於九職九職輸為九賦豈有賦而復貢
者哉故於九職言任萬民於九賦言斂財賄於九式
言均節財用大宰之職較然明矣九賦足以供九式
九貢以待弔用言則以王者之致貢非以為已私奉
而邦國之貢不止待弔用而已禹之貢任土而作周
之九貢則以六服為限然亦其大法耳職方氏言凡

邦國制其貢各以其所有則亦未嘗以行人之法拘之也楚於周非侯服而包茅不入齊得以責之則祀貢不止於侯服行人之文蓋亦互見耳古者取民以什一為中正而載師任地乃不同若此以所謂任地者非鄉遂之貢井牧之助故為法不同都鄙食四之一而取其什之二則通率二十之一賞田食三之一而取其二十之三則通率亦二十而一所謂貢助之什一未始變特於其什一之中取之以上供耳至於

漆林之征則非田稅之比先王蓋有深意先儒言近者役重而稅輕遠者役輕而稅重是未深考任地之法以三者觀之可知矣

帝王經世圖譜卷九



總校官庶吉士臣張能照

校對官編修臣閔懋大

校對官檢討臣季學錦

謄錄監生臣楊仁基

謄錄監生臣劉昀